

請登錄團鶴商標。至摺開備送京師陳列所。密貨十四種。計五十七件。除筭行該所點收陳列外。合行批示。仰即遵照傳諭。任紳錫汾一體遵照辦理可也。此繳。

●上海商務總會為運送陽羨密貨赴京。陳賽致輪船招商總局書。

敬啟者。頃接陽羨密業公司紳董任逢辛觀察函開。敝鄉密貨向為土產大宗。昨承貴總會轉奉商部傳諭。設立商品陳列所。飭取陳列等因。茲先備送京師陳列所一份。計十四種。五十七件。分裝兩箱。送請貴總會轉呈商部。察收陳列等因。到會查此項密貨現已裝紮堅固。擬於日內運赴天津。轉解入都。除函商滬關道瑞觀察。准給紅函。致關免稅免驗外。謹泐函奉布。可否俯念事關部飭陳列商品。准其免收運脚。俾免賠貼之處。統乞查照核復為荷。端此祇請均安不備。

曾鑄頓首  
朱佩珍

●督辦輪船招商總局楊杏城京堂暨顧緝庭沈子枚徐孟翔徐雨之諸觀察為陽羨密貨運京。陳賽復上海商務總會函。

少卿仁兄大人閣下。敬復者。昨奉台函。以陽羨密業備送密貨十四種。計五十七件。分裝兩箱。已為裝紮堅固。囑為運津轉解至京。投交商部察收等因。查係陳列之品。非比購辦之貨。當飭滬局照辦。據稱止此兩箱。由滬運津。尚可通融免收水脚。惟自津運京。甚屬不便。

屢接津局來信述及。每逢運物入都。應需火車運脚。城門又諸多周折受累。擬請 貴總會專派一人。隨船至津。照料上車。解交等語。弟虎適晤及逢辛觀察。告以轉交各節。累墜情形。逢翁屬將京津運脚。及城門需費。懇託天津商局代為墊付。示知由逢翁照繳。並以奉 聞。所有 貴總會投呈 商部公文。及箱兩件。俟 付下俾即運津。並函託津局照辦可也。所請紅函號數。並請 示及專復敬請 聯安。惟 察不一。

楊士琦顧肇熙沈能虎徐傑徐潤頓首

●上海商務總會為陽羨密貨運京赴賽事復招商總局函

敬啟者。日前接奉 台復。以陽羨密貨兩箱。查係陳列之品。尙可通融免收由滬至津水脚等因。祇誦之餘。同深感紉。茲將道署致關紅函一件。丙字第七百二十九號又敝會投呈 商部公文一件。密貨兩箱。一併送上。伏祈 察收。分別轉遞。惟此項密貨最易受損。實在磕碰。弗起。應請 轉飭貴友於裝運起卸時。格外留神。免致破損。至深感荷。至自津運京車脚城費等項。既經逢辛觀察與 子翁接洽。先由津局墊付。再由逢翁照繳。則敝會專差隨船照料一節。似可無庸置議矣。諸費 蓋神無任感泐。專肅祇請 均安。統希 惠照不一。附公文一件 紅函一件 密貨二箱